

BOSNA I HERCEGOVINA
Federacija Bosne i Hercegovine
TUZLANSKI KANTON
JP "Međunarodni aerodrom Tuzla"d.o.o.

Broj:01/I-704-15/16
G.Dubrave, 01.08.2016.godine

Na osnovu člana 69. stav 1. alineja b) i stav 3. Zakona o javnim nabavkama BiH (Službeni glasnik Bosne i Hercegovine broj: 39/14) te prijedloga Komisije za provođenje postupka za nabavku usluga stručnog nadzora nad izvođenjem projekta za nabavku i ugradnju opreme za sanaciju stanja na postojećem sistemu aerodromske rasvjete i unapređenje za CAT I utvrđenog u zapisniku broj: 01/I-704-14/15 od 22.07.2016.godine, u ime uprave Javnog preduzeća Direktor JP «Međunarodni aerodrom Tuzla» d.o.o., d o n o s i:

O D L U K U

o poništenju postupka za nabavku usluga stručnog nadzora nad izvođenjem projekta za nabavku i ugradnju opreme za sanaciju stanja na postojećem sistemu aerodromske rasvjete i unapređenje za CAT I

Poništava se postupak javne nabavke usluga stručnog nadzora nad izvođenjem projekta za nabavku i ugradnju opreme za sanaciju stanja na postojećem sistemu aerodromske rasvjete i unapređenje za CAT I koji je proveden putem konkurentskog zahtjeva pokrenutog obavještenjem o nabavci broj: broj: 527-7-2-12/16 od 06.07.2016. godine.

Obrazloženje

Ugovorni organ je na osnovu obavještenja na web portalu javnih nabavki broj: 527-7-2-12/16 od 06.07.2016. godine, proveden postupak prikupljanja ponuda za nabavku usluga stručnog nadzora nad izvođenjem projekta za nabavku i ugradnju opreme za sanaciju stanja na postojećem sistemu aerodromske rasvjete i unapređenje za CAT I putem konkurentskog postupka, te da je rok za dostavljanje ponuda bio 22.07.2016.godine do 09:00 sati. Javno otvaranje ponuda izvršeno je u 09:30 časova dana 22.07.2016.godine što je konstatovano zapisnikom sa otvaranja ponuda broj: 01/I-704-12/16 od 22.07.2016.godine. Procijenjena vrijednost nabavke je 49.999,99 KM.

Dostavljanje zapisnika sa otvaranja ponuda izvršeno je prema svim učesnicima postupka nabavke u zakonskom roku.

Nakon izvršenog otvaranja ponuda komisija je pristupila analizi dokumentacije priložene uz ponude u smislu provjere njihove validnosti obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

II Shodno navedenom zapisniku sa otvaranja ponuda, Komisija konstatuje da se prijavilo troje (3) ponuđača kako slijedi:

1. Ponuđač „IPSA INSTITUT“ D.O.O. SARAJEVO, čija cijena ponude iznosi 39.500,00 KM bez PDV-a
2. Ponuđač „RUDARSKI INSTITUT “ D.D. TUZLA, čija cijena ponude iznosi 49.000,00 KM bez PDV-a
3. Ponuđač INSTITUT ZA GRAĐEVINARSTVO “IG” BANJA LUKA, čija cijena ponude iznosi 27.300,00 KM bez PDV-a

III Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da samo ponuda ponuđača INSTITUT ZA GRAĐEVINARSTVO “IG” BANJA LUKA ispunjava formalno pravne, ekonomske i tehničke uslove odnosno zahtjeve ugovornog organa, te je ista prihvatljiva za ugovorni organ i može biti predmet vrednovanja shodno utvrđenim kriterijima Obavještenjem o nabavci.

Ponuda ponuđača „IPSA INSTITUT“ D.O.O. TUZLA ne ispunjava formalno pravne, ekonomske i tehničke uslove odnosno zahtjeve ugovornog organa. Kako je i konstatovano Zapisnikom sa otvaranja

ponuda broj 01/I-704-12/16 od 22.07.2016.godine ponuđač nije dostavio ispravno zapakovanu ponudu, odnosno ista nije zapečaćena. Stranice ponude nisu parafirane kako je traženo tačkom 12. tenderske dokumentacije.

Ponuđač „RUDARSKI INSTIUT“ D.D. TUZLA u ponudi nije dostavio Uvjerenje o solventnosti kako je traženo tačkom 9.2. tenderske dokumentacije, odnosno bio je dužan dostaviti običnu kopiju potvrde od strane banke kojom dokazuje da je solventan u posljednjih šest mjeseci računajući unazad od krajnjeg roka za dostavljanje ponuda, odnosno mjeseca u kojem isti dospijeva. Kako je krajni rok za dostavljanje ponuda bio 22.07.2016.godine, to je ponuđač bio dužan dokazati solventnost najmanje sa 01.07.2016.godine. Ponuđač „RUDARSKI INSTIUT“ D.D. TUZLA uvjerenja o solventnosti dostavio je zaključno sa 29.06.2016.godine.

Daljnjom analizom ponuda utvrđeno je da su ponuđači dostavljali različite dokaze o ispunjenosti uslova iz tačke 9.4. pod b) te je ponuđač „RUDARSKI INSTITUT“ D.D. TUZLA dostavio potvrdu o ispunjenosti pomenutog uslova od strane druge projektantske kuće, ponuđač „IPSA INSTITUT“ D.O.O. TUZLA dostavio je dokaz u vidu Potvrde za angažovano lice sa listom projekata na kojima je radio dok je ponuđač INSTITUT ZA GRAĐEVINARSTVO „IG“ BANJA LUKA dostavio Potvrdu u kojoj navodi da angažovana lica imaju odgovarajuće iskustvo na poslovima izrade projekata svjetlosne signalizacije aerodroma.

Svi navedeni dokazi ipak jesu u skladu sa tenderskom dokumentacijom, te je Komisija jednoglasno konstatovala da je uslov iz tačke 9.4. pod b) neprecizno i uopšteno postavljen, da se isti ne podudara sa traženim dokazom o njegovoj ispunjenosti, odnosno da je u tenderskoj dokumentaciji tačka 9.4. propisano kako slijedi:

„...b) Da ima najmanje jedno angažovano lice koje posjeduje odgovarajuće iskustvo na poslovima izrade projekata svjetlosne sigalizacije aerodroma.“

„...b) Potvrda, izdata i ovjerena od strane projektanta/projektantske kuće da angažovano lice posjeduje odgovarajuće iskustvo na poslovima izrade projekata svjetlosne signalizacije aerodroma.“

Dakle, Komisija kao ni ponuđači nisu bili u stanju ocijeniti šta je „odgovarajuće iskustvo“, niti da li je prihvatljiva potvrda drugog pravnog lica - projektanta koje nije učesnik postupka, odnosno nije ponuđač u konkretnom postupku.

Slijedom navedenog, zbog nepreciznih i nedovoljno jasno definiranih zahtjeva u pogledu tehničke i profesionalne sposobnosti, Komisija je jednoglasno dala preporuku Direktor JP «Medunarodni aerodrom Tuzla» d.o.o. da donese slijedeću:

Odluku o poništenju postupka nabavke usluga stručnog nadzora nad izvođenjem projekta za nabavku i ugradnju opreme za sanaciju stanja na postojećem sistemu aerodromske rasvjete i unapređenje za CAT I broj: 527-7-2-12/16 od 06.07.2016.godine, u skladu sa odredbom člana 69. stav 1 pod b) i stav 3. ZJN BiH.

Cijeneći navedeno činjenično stanje, Komisija za provođenje postupka nabavke usluga stručnog nadzora nad izvođenjem projekta za nabavku i ugradnju opreme za sanaciju stanja na postojećem sistemu aerodromske rasvjete i unapređenje za CAT I, konstatovala je da postoje uslovi za poništenje postupka nabavke u skladu sa članom 69. stav 1. alineja b) i stav 3. Zakona o javnim nabavkama BiH.

Na osnovu ovog prijedloga Komisije za provođenje postupka nabavke usluga stručnog nadzora nad izvođenjem projekta za nabavku i ugradnju opreme za sanaciju stanja na postojećem sistemu aerodromske rasvjete i unapređenje za CAT I, ovlaštenu organ ugovornog organa donio je odluku kao u dispozitivu.

PRAVNA POUKA: Žalba se može izjaviti u roku od 5 (pet) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:
3 x Ponuđačima
1 x Komisiji
1 x Evidenciji
1 x a/a



DIREKTOR

Rifet Karasalihović